

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 82. sjednici, održanoj 11.10.2012. godine, d o n o s i

ZAKLJUČAK

I

Prihvata se prijedlog Mišljenja o Prostornom planu Federacije Bosne i Hercegovine za period 2008. do 2028.godine, sa Analizom urađenom od strane Kantonalnog zavoda za urbanizam i prostorno uređenje, koji je sastavni dio ovog Zaključka.

II

Mišljenje iz tačke I ovog zaključka upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____ /12.
Datum, 11.10.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Stručna služba Skupštine,
1x a/a.

Na osnovu člana 19. stav 2. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine F BiH", broj 2/06, 72/07, 32/08 i 4/10), Skupština Zeničko-dobojskog kantona, na _____ sjednici, održanoj __. __. 2012. godine, d o n o s i:

ZAKLJUČAK

I

Ovim Zaključkom Skupština Zeničko-dobojskog kantona daje mišljenje o Prostornom planu Federacije Bosne i Hercegovine za period 2008. do 2028. godine.

II

Prijedlog prostornog plana Federacije BiH za period 2008. do 2028. godine nije usaglašen sa Prostornim planom Zeničko-dobojskog kantona 2009.-2029. godine ("Službene novine ZDK"; broj:4/09, 6/09 i 5/10) na području općina Žepče, Zavidovići, Olovo i Vareš, a što je detaljno obrazloženo u Analizi prijedloga Prostornog plana Federacije BiH za period 2008.-2028. godine urađenoj od strane Ministarstva za prostorno uređenje, promet i komunikacije i zaštitu okoline, Zavod za urbanizam i prostorno uređenje, koja je sastavni dio ovog Zaključka.

III

Zadužuje se Stručna služba Skupštine Zeničko-dobojskog kantona da ovaj Zaključak dostavi Federalnom ministarstvu prostornog uređenja i okoliša, kao Nosiocu pripreme Prostornog plana Federacije Bosne i Hercegovine za period 2008.-2028. godine.

Broj: _____

Datum, _____

Z e n i c a

PREDSJEDAVAJUĆI

Sretko Radišić

Dostavljeno:

- 1 x Ministarstvo za prostorno uređenje,
promet i komunikacije i zaštitu okoline,
- 1 x Kantonalni zavod za urbanizam i prostorno
uređenje
- 1 x Federalno ministarstvo za prostorno uređenje
- 1 x a/a

Obrazloženje

PRAVNI OSNOV:

Pravni osnov za donošenje ovog Zaključka sadržan je u odredbama člana 19. stav 2. Zakona o prostornom planiranju i korištenju zemljišta (*"Službene novine F BiH"*, broj 2/06, 72/07, 32/08 i 4/10), prema kojima u postupku donošenja Prostornog plana Federacije BiH prije utvrđivanja prijedloga ovog akta, Nosilac pripreme dužan je pribaviti mišljenje zakonodavnih tijela kantona.

RAZLOZI DONOŠENJA:

Federalno ministarstvo prostornog uređenja, kao Nosilac pripreme Prijedloga Prostornog plana Federacije BiH za period 2008. do 2028. godine (u daljem tekstu Prijedlog Prostornog plana), shodno odredbama člana 19. Zakona o prostornom planiranju i korištenju zemljišta na nivou F BiH dostavilo je u digitalnoj formi navedeni Prijedlog Prostornog plana radi davanja mišljenja o istom.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona kao Nosilac pripreme Prostornog plana Zeničko-dobojskog kantona 2009.-2029.godine (*"Službene novine Zeničko-dobojskog kantona"*, broj: 4/09, 6/09 i 5/10), dostavljeni Prijedlog Prostornog plana dostavilo je Kantonalnom zavodu za urbanizam i prostorno uređenje, kao Nosiocu izrade Prostornog plana Zeničko-dobojskog kantona, da se izjasni o usaglašenosti ova dva prostorna dokumenta.

Kantonalni zavod za urbanizam i prostorno uređenje izvršio je uporedni pregled navedenih planskih dokumenata te uočio djelimične neusaglašenosti koje su detaljno obrazložene u Analizi Prostornog plana Federacije BiH za period 2008.-2028.godine, koja je sastavni dio ovog zaključka.

S obzirom da uočena odstupanja nameću potrebu izmjene Prostornog plana Kantona, zbog zakonske obaveze usaglašavanja sa planom višeg reda, potrebno je od Federalnog ministarstva prostornog uređenja zatražiti ponovno razmatranje neusaglašenih stavova i usaglašavanje stavova sa lokalnim zajednicama prije donošenja Prostornog plana Federacije BiH.

MINISTAR

mr.sci. Raif Seferović dipl.ing.

Broj:
Zenica, 10.10.2012.godine

ZENIČKO-DOBOJSKI KANTON
VLADA
n/r Premijera

PREDMET: Prijedlog Zaključka i Prijedlog Mišljenja –dostavlja se

U prilogu akta dostavljamo Vam prijedlog Zaključka i Prijedlog Mišljenja o Prostornom planu Federacije Bosne i Hercegovine za period 2008. do 2028.godine, sa prijedlogom da se uvrsti kao dopunska tačka u Dnevni red sjednice Vlade Zeničko-dobojskog kantona, zakazane za 11.10.2012.godine.

S poštovanjem.

MINISTAR
mr.sci. Raif Seferović dipl.ing.

Dostaviti:
1 x Premijer
1 x Sekretar Vlade
1 x a/a.

Broj: 12/09 – 23-20382-1/12
Zenica, 09.10.2012.godine

ZENIČKO-DOBOJSKI KANTON
Ministarstvo za prostorno uređenje,
promet i komunikacije i zaštitu okoline
n/r Ministar

PREDMET: Analiza Prijedloga Prostornog plana FBiH za period 2008. do 2028.godine sa prijedlogom mišljenja – dostavlja se

Dana 28.09.2012.godine preuzeli smo akt Stručne službe Vlade Kantona broj 02-1-23-20382-1/12 kojim se traži od Ministarstva za prostorno uređenje, promet i komunikacije i zaštitu okoline izrada prijedloga mišljenja na Prijedlog Prostornog plana FBiH za period 2008. do 2028.godine sa Odlukom o provođenju plana.

Uvidom u sadržaj navedenog planskog dokumenta, navodimo slijedeće:

- Prijedlog Prostornog plana FBiH 2008-2028.godine sadrži tekstualne i grafičke priloge vezane za pripremu i izradu plana u skladu sa članom 18. do čl. 26. Uredbe o jedinstvenoj metodologiji za izradu planskih dokumenata (“Službene novine FBiH”, broj 63/04, 50/07 i 84/10).

Analizom Prijedloga Prostornog plana FBiH 2008-2028.g. i usporedbom sa prethodno razmatranim fazama:

- Nacrtom Prostornog plana FBiH 2008-2028.g., na koji su upućene primjedbe u periodu javnog uvida i javne rasprave (u prilogu akt broj 215/12 od 12.04.2012. godine), i
- Prijedlogom Prostornog plana područja posebnih obilježja od značaja za FBiH “Autoput na koridoru Vc” za period 2008-2028.g., kao sastavnog dijela Prostornog plana FBiH, za koji je Skupština Kantona dala Mišljenje Zaključkom broj 01-23-2479/12 od 01.02.2012.godine (Zaključak u prilogu),

utvrđeno je da se Prijedlog Prostornog plana FBiH za period 2008. do 2028.godine bitno ne razlikuje u projekciji prostornog uređenja Federacije BiH od prethodno razmatranih faza planskih dokumenata, te da primjedbe i sugestije upućene od strane kantonalnih i općinskih organa Zeničko-dobojskog kantona u većini nisu prihvaćene, a za iste su data pojašnjenja u Izvještaju o provedenoj javnoj raspravi na Nacrt Prostornog plana FBiH 2008-2028.g. sa stavom Nosioca pripreme.

- Uvidom u dostavljeni Izvještaj o provedenoj javnoj raspravi na Nacrt Prostornog plana FBiH 2008-2028.godine i uvidom u tekstualni i grafički dio Prijedloga Prostornog plana FBiH 2008-2028. i Odluku o provođenju plana, kao konačnu fazu, utvrđeno je da **nije prihvaćena primjedba za izmjenu trase Autoceste Žepče-Zavidovići-Tuzla-Orašje na dijelu općine Žepče sa interregionalnim čvorištem u Žepču** (stav i odgovor Nosioca pripreme Prostornog plana FBiH na str. 33 i 34. pomenutog Izvještaja). Zbog navedenog ponovo ističemo moguću problematiku kod planiranja interregionalnog čvorišta i trase navedene Autoceste kroz područje općine Žepče i općine Zavidovići, i predlažemo **ponovno razmatranje i usaglašavanje** sa lokalnim zajednicama prije donošenja Prostornog plana FBiH (u prilogu primjedbe Općine Žepče i Zavidovići na Nacrt Plana).

- Uvidom u tekstualni i grafički dio Prijedloga Prostornog plana FBiH utvrđeno je da je izuzeta površina „zaštićena prirodna cjelina Tajan,Žuča i Ribnica“ bez Trstionice iz Područja od značaja za FBiH, te je u tom dijelu primjedba na Nacrt i prihvaćena, a da se Prijedlogom Prostornog plana FBiH i dalje rezerviše i štiti i veći dio površine općina Olovo i Vareš kao Prostorni plan područja posebnih obilježja od značaja za FBiH **u kojem se zabranjuje gradnja na površini cca 441,5 km²**,koja uključuje:

- **područje sliva Krivaje sa akumulacijama Buk i Kamenica (cca 51% površine općine Olovo)** u cilju rješavanja problema vodosnabdijevanja Tuzlanskog kantona i šire iz čega proističe i izrada Prostornog plana područja posebnih obilježja od značaja za FBiH, **uz napomenu da članom 13. Odluke o provođenju PPFBiH navedeno nije utvrđeno** (u prilogu primjedba Općine Olovo na Nacrt Plana), i

- **slivno područje vodne akumulacije Sršljenci (cca 67% površine općine Vareš)** u cilju izgradnje regionalnog sistema za vodosnabdijevanje dijelova Sarajevskog i Zeničko-dobojskog kantona u postplanskom periodu.U sastavu ovog područja nalazi se i zaštićena prirodna cjelina Zvijezda, utvrđena kao područje od značaja za Kanton u PPKantona.

- Iz navedenog proističe da je nije prihvaćena primjedba na Nacrt Prostornog plana FBiH da se zaštita sliva Krivaje ograniči na uže područje Krivaje sa planiranim akumulacijama, i da se akumulacija Sršljenci tretira u granicama utvrđenih zona sanitarne zaštite, pa je tako Prijedlogom Prostornog plana FBiH površina od cca 441,5 km² u općinama Olovo i Vareš utvrđena kao područje od značaja za FBiH, zbog čega će do donošenja Plana područja posebnih obilježja FBiH aktivnosti lokalnih zajednica biti blokirane u narednom vremenski nedefinisanim periodu.**Predlažemo da se ponovo analizira ovo opredjeljenje, te da se granice područja posebnih obilježja od značaja za FBiH svedu u realne okvire i da se Prostornim planom FBiH utvrde prioriteta i što kraći vremenski rokovi za izradu Planova područja od značaja za FBiH.**

- Uvidom u dostavljeni Izvještaj o provedenoj javnoj raspravi na Nacrt Prostornog plana FBiH 2008-2028.godine i uvidom u tekstualni i grafički dio Prijedloga Prostornog plana FbiH 2008-2028. i Odluku o provođenju plana, **utvrđene su neusaglašenosti između obrazloženja na primjedbe i prezentovanih podataka u tekstualnom i grafičkom dijelu i Odluci, što podrazumijeva slijedeće:**

- potrebno je korigovati član 52. i član 57. Odluke o provođenju Prostornog plana FBiH, i iste uskladiti shodno obrazloženju Nosioca pripreme u Izvještaju (primjedba pod red.br.6, koja se odnosi na zaštitne koridore autocesta i željeznice),

- potrebno je uskladiti trasu planirane magistralne ceste II reda Maglaj-Novi Šeher-Teslić na grafičkim prilogima shodno odgovoru na primjedbu br.5 iz Izvještaja,

- na grafičkim prilogima nije uočena korekcija trase Autoceste Žepče-Zavidovići-Tuzla-Orašje shodno primjedbi Općine Zavidovići i pozitivnom stavu Nosioca pripreme u Izvještaju (primjedba pod red.brojem 8.), jer je u Prijedlogu Prostornog plana FBiH trasa navedene Autoceste identična trasi iz prethodno razmatrane faze Nacrta,

- odgovor Nosioca pripreme na primjedbu Općine Zavidovići pod rednim brojem 7. Izvještaja, je u suprotnosti sa članom 13. Odluke o provođenju, jer je istim Autocesta Orašje-Tuzla-Žepče sa paralelnom trasom željezničke pruge Turija-Zavidovići utvrđena kao područje od značaja za FBiH za koji se donosi Prostorni plan područja posebnih obilježja. Primjedbom se predlaže rok za izradu predmetnog plana od 18 mjeseci od donošenja Prostornog plana FBiH,te za istu nije dato adekvatno obrazloženje.

◆ U skladu s naprijed navedenim konstatacijama, i imajući u vidu zakonsku obavezu usaglašavanja planskih dokumenata nižeg reda (prostorni planovi kantona i općina) sa planom višeg reda (Prostorni plan FBiH), a sve u cilju realizacije smjernica utvrđenih Prostornim planom FBiH 2008-2028., predlaže se prije donošenja Prijedloga Prostornog plana FBiH za period 2008. do 2028.g. slijedeće:

- Usaglašavanje stavova u vezi planirane trase Autoceste Žepče-Zavidovići-Tuzla-Orašje sa paralelnom trasom željezničke pruge Turija-Zavidovići sa općinama Žepče i Zavidovići, sa utvrđivanjem granica Prostornog plana za područja posebnih obilježja od značaja za FBiH za iste;
- Usaglašavanje stavova sa općinama Olovo i Vareš u vezi planskog i postplanskog regionalnog vodosnabdijevanja iz sliva Krivaje i Misoče, te utvrđivanje granica Prostornog plana za područja posebnih obilježja od značaja za FBiH za slivove Krivaje (akumulacije Buk i Kamenica) i sliv Misoče (akumulacija Sršljenci);
- Utvrđivanje minimalnih rokova za donošenje odluka za izradu i utvrđivanje stvarnih granica prostornog obuhvata za planirane Prostorne planove područja posebnih obilježja od značaja za FBiH za koje se utvrdi obaveza nakon donošenja Prostornog plana FBiH 2008-2028.g. (za infrastrukturne koridore, za iskorištavanje i zaštitu prirodnih resursa od značaja za FBiH, za zaštitu prirodnih i kulturno-historijskih vrijednosti od značaja za FBiH i dr.).

Kako je Kantonalni zavod za urbanizam i prostorno uređenje uz saglasnost Ministarstva za prostorno uređenje, promet i komunikacije i zaštitu okoline učestvovao u analizi i provođenju određenih aktivnosti koje su se odnosile na razmatranje prethodnih faza planskih dokumenata – Nacrt Prostornog plana FBiH 2008-2028.g. i Prijedlog Prostornog plana za područje od značaja za FBiH “Autoput na koridoru Vc” za period 2008-2028.g., u prilogu ovog akta dostavljamo prateću dokumentaciju i akte radi uvida u iste, a sve u cilju pripreme mišljenja na Prijedlog prostornog plana FBiH za period 2008. do 2028.g. sa Odlukom o provođenju.

Prilog:

-Kao u tekstu

Dostavljeno:

–Naslovu

–a/a

Direktor:

Sumbuljević Aida, dipl.ing.arh.